

Belia diingat waspada 'Komunis dan zionisma kini gunakan Islam'



■ DATUK MOKHTAR
HASHIM

BUKIT MERTA JAM, Ahad — Bella negara ini dilibatkan berwaspada terhadap anasir komunis dan zionisma sedang bergerak cergas di seluruh dunia dengan bertopengkan dakwah dan persaudaraan Islam.

Menteri Kebudayaan, Bella dan Sukan, Datuk Mokhtar Hashim ketika mengingatkan demikian berkata: "Pada masa ini terdapat kelompok-kelompok kader komunis dan kader zionisma yang bergerak di merata pelusuk dunia dengan berselindung dibalik nama yang berbunyi Islam."

Kader-kader ini, katanya, telah diarah supaya berbuat apa saja untuk

menghancurkan Islam di samping mencari peluang untuk memperluas dan memperkuat pengaruh komunis.

"Mereka ini umpama jerat yang sentiasa bersedia untuk memerangkap siapa saja yang alpa dan lalai," katanya ketika merasmikan musababah membaca Quran, mentafsir Quran dan deklamasi sajak, Gerakan Bella 4B peringkat negeri Pulau Pinang di Sekolah Menengah Pegas di sini malam tadi.

Menurut beliau, golongan ini sentiasa bergerak menanamkan jarumnya di mana-mana saja terdapat peluang yang terbuka dengan hanya satu matlamat iaitu menjatuhkan kerajaan yang halal dengan tipu muslihat mereka yang kotor.

Datuk Mokhtar berkata, di negara kita juga terdapat manusia-manusia putus asa yang menjaja ayat-ayat suci Al-Quran ke hulu ke hilir dengan memetik keratan-keratan ayat tanpa sepenuhnya bagi maksud melahirkan justifikasi untuk membubarkan kerajaan.

"Saya percaya keadaan ini sudah pun diketahui ramai. Namun begitu adalah menjadi tanggungjawab kita bersama untuk mengingatkan masyarakat agar tidak terlena dalam kehenangan sungai yang tenang sedangkan di dalamnya berkeliaran buaya-buaya ganas yang sedang menunggu mangsa," katanya.

Keadaan

Menteri itu kemudian mengumumkan, Kementerian Kebudayaan, Bella dan Sukan mulai tahun ini akan mengambil pegawai-pegawai agama untuk berkhidmat di seluruh negara.

"Dengan adanya pegawai-pegawai yang mempunyai pengetahuan luas dalam agama, kegiatan mempengaruhi para bella dengan menggunakan agama sebagai topeng akan dapat dipatahkan," katanya.

Mulai tahun ini, katanya, Kementerian Kebudayaan, Bella dan Sukan akan berusaha untuk merapatkan hubungan antara para bella negara ini dengan saudara-saudara seagama mereka di Timur Tengah.

"Kalau selama ini pertukaran bella ditumpukan kepada negara Jepun dan Kanada, mulai tahun ini kita akan memberi keutamaan kepada negara-negara Islam, terutama di negara-negara Arab," katanya.

"Sudah sampai masanya hubungan Malaysia dengan negara-negara Islam dipereratkan melalui bella," katanya lagi.

Katanya, beliau sendiri akan mengunjungi Arab Saudi bulan depan untuk berunding mengenai perkara tersebut.

Bahan asal dari Arkib
Negara Malaysia